

堅

瓠

集

序

堅瓠集二刻告成以示稱翁稱翁
翬然曰此非稼軒意也稼軒
篤學士也擁書萬卷自擬南面
百城鉅心史乘購求如不及博
聞醜記不啻溫公之每事必諮

出處子雲之藩溷皆着筆札同
輩咸畏之余家貧不能得書性
懶又弗耐抄錄記誦一二輒便
遺忘忽忽有所憶口不得道以
質稼軒琅琅成誦不爽隻字洵
可繼行秘書矣而古今人事是

非得失歷歷在臆聞幽表微皆
人所未發又所稱皮裏陽秋也
平日所纂輯每百頁為一編字
必端楷卷帙且數十皆有闕正
學足以羽翼名教秘未壽梓稼
軒意若有待焉者堅瓠所載不

過閒情剩馥或前據卮辭或近
標別韻目存神賞聊付管城後
先所得何止八卷因狗雞林之
請不惜好事之目以是知非稼
軒意也然幽人遊子于月戶芸
窓車聲帆影閒袖出一編用資

談柄不誠下酒物哉宜乎洛陽
為之紙貴不脛而走天下也細
微必錄感觸最真談笑之間大
道斯寓是編也諧世醒世之用
半焉夫子言之矣吾豈匏瓜也
哉焉能繫而不食稼軒其深自

信也夫

康熙辛未清和朔稱翁彭榕序

堅瓠二集卷之一目錄

寒拾問答

各省地諱

楚中二督學

陳全滑稽

咏洩氣

賣閒

詩嘲廣文

耳聾詩

俗語歇後

清客門對

買鹽吃醋

對句

玉堂爭鬧

嘲醫

抱佛脚

用舊句

嘲方于魯

舊律易字

歐公詩戲

唐解元詩

吏對

火迫鄭侯

熟熟顏回

印章

黃曆給事

東坡慕樂天

詩別字

文笑

祝石林

俗識

同東集

劣詩

詩規性急

題鳩鵲圖

懼內有理

解大紳

歐郎酒令

麻胡

三笑事

歇後詩

破瓜無元

張趙兩相

楊南峯浴

王婆醋鉢

諸理齋詩

盤門詩伯

輓卦

吝卦

驅卦

壽卦

蟹卦

內黃侯

圓膏尖螯

蟹詩

芙蓉詞

水上打一捧

賦詩得釋

落霞

華清宮詩

角妓垂螺

詩家喻愁

石獨山單

詩咏溺婦

題松

朱文公詞

重刻褚石農堅瓠集卷之一

甬上留香閣主人較刊

寒拾問答

寒山問曰有人打我罵我辱我欺我嚇我
騙我凌虐我以極不堪待我如何處他拾
得荅曰只是避他耐他忍他敬他畏他讓
他一味由他不要理他你且看他眯拾得
數語非特唾面自甘直與山鬼之伎倆有

限老僧之不聞不見無窮同意至末後你
且看他一語不止牢騷憤激而天道好還
之意默寓其中可不戒哉

各省地諱

各省皆有地諱莫知所始如畿輔曰響馬
陝西曰豹山西曰瓜山東曰胯河南曰驢
江南曰水蟹浙及徽州曰鹽豆浙又曰猷
江西曰臘雞元時江南亦號臘雞福建曰

癩四川曰鼠湖廣曰乾魚兩廣曰蛇雲貴
曰象務各以諱相嘲成化中司馬陝西楊
鼎與司寇福建林聰會坐林戲曰胡兒十
歲能窺豹以楊多鬚而年少楊卽曰癩子
三年不似人又河南焦芳過李西涯卽見
簷曝乾魚戲曰曉日斜穿學士頭西涯曰
秋風正灌先生耳以諺有秋風灌驢耳句
也廖鳴吾道南戲倫白山曰人心不足蛇

吞象倫曰天理難忘獺祭魚又蜀舉子張
士儼與廣士某善每見輒曰委蛇委蛇某
應聲曰碩鼠碩鼠又李時嘗以臘雞獨擅
江南味戲夏言言卽荅以響馬能空冀壯
群又嚴嵩生日江西士紳致賀嵩長身聳
立諸紳俯身趨謁高中立旁睨而笑嵩問
故中立曰偶思韓昌黎詩大雞昂然來小
雞竦而待是以失笑耳衆亦開堂大笑

楚中二督學

嘉靖間楚中督學吳小江有愛少之癖冠
者多去其巾爲垂髫應試吳見其額上網
痕遂口占一詩曰昔日戔冠已偉然今朝
引角且從權時人不識予心苦將謂偷閒
學少年一時傳誦無不絕倒其後錢塘金
曾一作省吾代之所拔亦多弱冠桃源一生
聞其風遂割去鬚髯入試考居四等及發

落省吾以四等人多不欲盡加朴責恕其
齒長者而責少者此生以無鬚被責人嘲
之曰昨日割鬚爲便考今朝受責加煩惱
儒巾紗帽不相當有鬚無鬚皆不好

陳全

明金陵陳全負俊才性好烟花持數千金
遊燕皆費於平康市一日浪遊誤入禁地
爲中貴所執將畀廵城全曰小人是陳全

祈公公見饒中貴素聞其名乃曰聞陳全
善取笑可作一字能令我笑卽釋你全曰
屁中貴曰此何說全曰放也由公公不放
也由公公中貴笑不自制因放之

咏洩氣

三水林觀過年七歲嬉遊市中以鬻詩自
命或戲令咏洩氣詩視之不見名曰希聽
之不聞名曰夸不啻若自其口出人皆掩

堅瓠集

卷一

四

鼻而過之

賣閒

承天寺僧曰岫閒刻賣閒詩索和憲副李
如穀滋先生以詩訶之曰老禿何人敢說
閒八旬行腳古來傳磨磚碓米僧家事施
烏漆香度日緣閒自己偷誰敢賣賣千天
謔定追還痴呆可賣閒難賣鬼斧神鎗不
汝憐

詩嘲廣文

萬塵中王廣文號竹月年邁鬚齒已落更
缺一耳一生作詩嘲之曰竹月號三無無
耻齒之耻無然而無有爾耳則亦無有乎
鬚偶御史蒞府各縣屬候見於官署中談
及斯詩以爲笑謔及入謁一令忽覩竹月
於班行中不覺失笑御史疑令慢已詰之
令因以實對并舉前詩御史亦大笑

耳聾詩

弘治初杭庠沈明德宣嗜酒能文工於書
畫輩學吳原明因沈納卷取閱之與之語
且重聽命賦耳聾詩限談字因草書耳聾
二字於牌沈望見耳脚帶長以爲打字亟
奔去吏喻以作詩遂口占云紅塵飛滿舊
青衫貧病年來笑更兼四十無聞聾亦順
半生多事老何堪山蟬一任鳴方歇穴蟻

從教闢正酣兀坐無言心似水對人袖手
俛清談後以貢授安慶訓導○雪濤諧史
一人以易語賦耳聾云飛在天見在田亢
有悔確乎其不可拔潛

俗語歇後

吳中黃生相掀唇人呼爲小黃竅嘴讀書
某寺中一日寺僧進麤因熱傷手忒地黃
作歇後語謔之曰光頭滑光頭浪光頭練

光頭勒謂麤盪撫忒也僧亦應聲戲曰七
大八七青八七孔八七張八蓋隱小黃窠
嘴四字黃亦絕倒

清客門對

一清客書門對曰心中無半點事眼前有
十二孫有人續其下曰心中無半點事兩
年不曾完糧眼前有十二孫六箇未經出
痘見者絕倒

買鹽吃醋

萬曆中湖廣張孝廉某奸李屠兒之妻方
執手調笑屠兒適歸鎖閉其門用杖擊孝
廉脛哀求得脫告屠兒於官稱往渠家買
鹽被毆縣令已悉前情乃置一聯於狀尾
云張孝廉買鹽自牖執其手李屠兒吃醋
以杖叩其脛

對句

滇南趙某仕楚中爲郡守好出對句一日
見坊役用命紙糊燈遂出句云命紙糊燈
籠火星照命思之未得至歲暮見老人高
捧曆日叩頭獻上拍案大叫遂對前句曰
頭巾頂曆日大歲當頭老人認其怒已叩
首乞哀守語其故厚賞而出

玉堂爭鬧

景泰間修續通鑑綱目督促翰苑各舉所

知於是丁叅議理等皆被召聶大年教授
扶病入館退食私寓經宿物故章主事諷
病劉治中實老劉宣化譏之曰昔人云生
老病死苦史館備矣時丁理與宋尚寶懷
尚氣失色忿詈館中陳緝熙鑑作一詩云
叅議丁公性太剛宋卿凌慢亦難當亂將
毒手拋青史故發僉言汚玉堂同輩有情
難勸解外郎無禮更傳揚不知班馬韓蘇

輩曾爲修書開幾場

嘲醫

世譏庸醫者甚多近見諸史一條云一醫
治一肥漢而死人曰我饒你不告狀但爲
我擡柩至墓所醫人率妻子共擡至中途
力不能舉乃吟詩云自祖相傳歷世醫妻
續云丈夫爲事累連妻長子云可奈尸肥
擡不動次子云如今只揀瘦人醫

抱佛脚

士子遇文宗按臨始用功讀書謂之抱佛脚不解其故後見中山詩詔王荊公嗜諧謔一日論沙門道因曰投老欲依僧容遽對曰急則抱佛脚王曰投老欲依僧是古詩客曰急則抱佛脚是俗諺上去投下去脚豈非的對王大笑則抱佛脚之說相傳已久而未知所本及見宋張子正世南宦

游紀聞云雲南之南有番國俗尚釋教人
犯罪應誅者捕之急趨往寺中抱佛脚悔
過願髡髮爲僧以贖前罪卽貰之諺云間
時不燒香急則抱佛脚本此

用舊句

杭有一婦夫死未終七卽嫁被族人訟於
官覓金編修爲解釋臨審時金以他事見
令佯問此婦何事令曰丈夫身死未終七

嫁與對門王賣筆金日月移花影上闌干
春色惱人眠不得令笑而從未減

嘲方于魯

徽人方于魯以造墨起家多薦紳交有長
安貴人寄蘭州牋於方時已四月矣方急
爲製衣服之以誇示賓客汪南溟作詩嘲
之曰愛殺蘭州乾韃靼等來春後趙裁縫
寒回死等桃花雪熱透生憎柳絮風忽地

出神尋細脚有時得意挺高胸尋常一樣
方于魯總着絨衣便不同

舊律易字

廣東二貢士爭名至相毆友人用舊律易
字諄之曰南北齋生多發顛春來爭榜各
紛然網巾扯作黑蝴蝶頭髮染成紅杜鵑
日落主童眠閣上夜歸朋友笑燈前人生
有打須當打一棒何曾到九泉

歐公詩戲

劉原父晚年再娶歐公作詩戲之云仙家
千載一何長浮世空驚日月忙洞裏桃花
莫相笑劉郎今是老劉郎原父得詩不悅
一日歐公與王拱辰同在會間原父戲曰
有一學究誦徒誦毛時至委蛇委蛇徒
念從原字學究怒而責之曰蛇當讀作姨
母得再誤明日徒觀乞兒弄蛇飯後方來

先生怒其來遲欲責徒曰遇弄姨者從衆
觀之先弄大姨後弄小姨是以遲也歐公
亦爲噱然蓋歐公與拱辰同爲薛簡肅公
壻歐公先娶王夫人姊亡後再娶其妹故
拱辰有舊女壻爲新女壻大姨夫作小姨
夫之戲按簡肅公墓文拱辰兩爲公壻而
詩話皆作歐公未知何故

唐解元詩

吳令命役於虎丘採茶役多求不遂諧僧
令笞僧三十復枷之僧求援於唐伯虎伯
虎不應一日偶過枷所戲題枷上曰官差
皂隸去收茶只要紋銀不肯賒縣裏捉來
三十板方盤托出大西瓜令見而詢之知
爲唐解元筆笑而釋之○又伯虎嘗出遊
遇雨過一皂隸家以紙筆求画伯虎遂画
海螭數十題其上云海物何曾數着君也

隨盤饌入公門千呼萬喚不肯出直待臨
時敲窟臀戒菴漫華作瞿炯暘作

吏對

秦興令胡瑤曜一門子坐堂時見一吏挑
之與偶語令怒欲責治之吏漫云渠是小
人表弟叙家常耳令遂出對曰表弟非表
兄表子汝能對免責吏曰丈人是丈母丈
夫令嘉其善對笑而釋之

火迫鄧侯

唐原休受朱泚僞官自比蕭何入長安日
首收圖箚時人目之曰火迫鄧侯朱南渡
有郭某爲將自比諸葛酒後輒咏三顧頻
繁兩朝開濟之句屏風便面一一書此未
幾敗於江上倉皇涕泣而困時謂之尿汁
諸葛正堪作對

熱熟顏回

代醉編宋陳繹好爲敦朴之狀時謂熱熱
顏回熙寧中台州推官孔文仲舉制科對
策言事有痛哭太息語執政惡而斥之繹
時翰林學士曰文仲狂躁真杜園賈誼王
平甫笑曰杜園賈誼可對熱熱顏回

印章

天順間錦衣門達甚得上寵有桂廷珪者
爲達門客乃私鑄印章曰錦衣西席後有

甘棠爲洗馬江朝宗壻棠亦有翰苑東牀
印章一時傳實可爲的對

黃壓給事

林居漫錄王涇峯守初入諫垣例當建白
乃請行令各省直少印黃壓每畝止給里
長一本而畝民就觀焉以省國用同時某
御史倣其意請少印青由每畝止給里長
一張而畝民併列焉以節冗費都人爲之

語曰黃鑒給事青由御史宋紹興間趙需
名鶯鴨諫議見昨非菴日纂成化中胡汝
寧號蝦蟆給事烏臺青鎖何代無賢

東坡慕樂天

洪容齋隨筆東坡慕樂天因以爲號按南
賓志東坡西坡皆白文公故跡樊漢柄詩
曰忠黃江上兩東坡二老遺風凜不磨人
得矜誇知地勝天教流落爲才多可証

訓別字

春日與友踏青郊外聞一蒙師訓搗鼓武
註鼓小鼓兩旁有耳持其柄而搗之持誤
訓特友急叩館門連呼先生蒙師驚愕問
故友曰裴子搖鼓柄好搖蒙師大慚相與
一笑而別猶記有一師姓潘訓只今惟有
鷓鴣飛鷓鴣誤訓作廢人謂之潘廢鴣以其
兄號庶康也

文笑

一童縣試蒲盧也題中云此一蒲盧也俄而拱把俄而合抱俄而叅天蓋狀其易生如此主司批云不消幾時蒲盧寒滿天地間矣又先生訓初學以記誦借用之法其徒記魯衛之政兄弟也文謂魯之政卽衛之政可也謂衛之政卽魯之政可也後作彌子之妻與子路之妻兄弟也遂借用此

調見者噴飯曾見一士作莫我知也夫爲
三疊法云我非鳳也人以我爲德衰之鳳
莫鳳知也夫我非狗也人以我爲喪家之
狗或狗知也夫我非虎也人以我爲貌似
之虎莫虎知也夫嗟乎好奇而不顧其安
若此譚概載雖使五尺之童二句破云以
可欺之人居可欺之地而卒莫之或欺焉
可以見天理之常存而人心之不死矣或

嫌其欠簡從他日作魯人獵較二句破云
魯俗頑聖人雷又嫌其崛且晦須不長不
短點切題面字眼方醒人目一日作子之
燕居節破云記聖人之鳥處甲之出頭而
天之側頭者也一士作二女果題中二股
立柱云堯非不欲以之自奉也舜非不欲
以之奉瞽瞍也又聞今交九尺二句破云
約莫一丈長只好死吃飯聞者絕倒

祝石林

給事祝石林曾爲黃陂博士入郡遇黃岡
令劉星岡心易之而與其抗直曰吾鄉士
人有大哉堯之爲君一節題破云以齊天
之大聖極天下之無狀焉祝曰吾鄉亦有
一破題是不得已而之景丑氏宿焉破云
處無可奈何之地遇絕不相干之人同官
絕倒明年祝登第劉以考察去位

俗識

譚概宋太學各齋除夕設祭品用枣子荔枝蓼花取阜離了之識南都鄉試前一日居亭主人必煮蹄爲餉取熟題之意又無錫呼中字如粽音凡大試親友則贈筆及定勝糕米粽各一盒祝曰筆定糕粽○又宗師歲考前一日禱於關聖者必置筆與錠等子於神前取必定一等之意其祝文

云伏願瞋睡瞭高犯規矩而不提糊塗學
道屁文章而亂圈更爲可笑○吾蘇近有
一笑話因屁文章附錄之秀才與光棍經
紀三人會飲各以所志行一令經紀曰妄
想心妄想心但願西太湖變子蜜淋喻每
觔賣二十文次至光棍曰妄想心妄想心
但願沈萬三打殺子人我要詐斷渠脊梁
筋未至秀才曰妄想心妄想心但願低試

官射瞎子驢眼睛拿我這樣屁文章圈滿
子考第一名一時傳以爲笑

同東集

悅生堂隨抄吳僧法海好作惡詩萃成帙
劉從事爲序云師雖習西方之教頗同東
魯之風因題曰同東集長於譬喻動有風
騷昔唐小杜旣爲老杜之次今師又在小
杜之下

劣詩

東谷贅言華陽有狂生粗知押韻一夕乘
酣訪隣曲隱翁見庭中月色如畫梅花甚
開乃朗吟宋人詩曰牕前一樣梅花月添
箇詩人便不同蓋自負也主人亦誦宋人
詩曰自從和靖先生死見說梅花不要詩
恐其作詩唐突梅花也狂生忿其嘲已肆
語而去明日訟之縣官呼狂生試詩甚劣

笑謂狂生曰姑免問罪癸在百花潭上看
守杜工部祠堂間者絕例

詩規性急

駒陰冗記定海太守沃泮性褊急宦路鮮
合者王襄敏越爲詩規之云今日牧民當
尚簡此行聽訟貴行寬黃堂正是三公路
莫負吾儒洗眼看泮終不能用晚年家居
猶許奏大臣過失坐戍榆林後宥還

題鳩鵲

雪濤諸史楚中一顯者常苦嫡庶不睦聞
聲自內徹外偶一詞客來謁值其內闕顯
者欲僭端亂其聽指所懸鳩鵲圖請詞客
賦之客因題曰鳩一聲兮鵲一聲鳩呼風
雨鵲呼晴老天却也難張主落雨不成晴
不成相與大笑內聞之亦解

懼內有理

或論三綱之義夫爲妻綱五行之道陽伸陰詘則夫宜無有畏於妻者祝琨美曰太平廣記王經天門子云凡男命皆起於寅寅純木之精也女命皆起於申申純金之精也未有木而不畏金者也又男道主火女道主水未有火而不畏水者也况陽能發育主生陰能收斂主殺未有不樂生而畏死者也此懼內之理鮮有知者

解大紳

解縉嘗從永樂遊內苑上登橋問縉當作何語對曰此謂一步高一步及下橋又問之縉曰此謂後邊又高似前邊上大悅一日上謂縉曰卿知宮中夜來有喜乎可作一詩縉乃吟曰君王昨夜降金龍上遽曰是女兒縉卽曰化作嫦娥下九重上又曰已死矣應曰料是世間留不住上笑曰已

投之水矣應曰翻身跳入水晶宮上本欲
詭言以困之旣得詩深歎其敏

歐陽酒令

歐陽公席間行令作詩兩句須犯徒以上
罪者一云持刀哄寡婦下悔刦商人一云
月黑殺人夜風高放火天歐公云酒粘衫
袖重花壓帽簷偏或問之荅曰當此時徒
已上罪亦做了○七修類藁郎仁寶與群

士曾飲符令以犯盜事爲對一曰發塚可
對高家繼者曰白晝搶奪可對黑夜私奔
衆曰私奔非盜繼者爭曰原其情非盜而
何一人曰打地洞可對開天牕衆又曰開
天牕決非盜對者解曰今之歛人財而幹
公事者剋減其物豈非盜乎開天牕卽諺
所謂分子頭也又一人曰尤有好者三櫓
船可對四人轎衆哄而笑坐有四轎者不

樂郎曰賢愚不等賢者當稱四傑入四科
不肖者可謂四獸等四凶豈曰盜焉衆然
之而四轡之客亦樂

麻胡

成郎中貌陋多髭再娶之夕岳母謂之曰
我女一菩薩乃嫁麻胡成間之作詩曰一
椿兩好世間無好女如何得好夫高捲珠
簾明點燭試教菩薩看麻胡

三笑事

嘉靖庚子杭有穩婆爲人收生反生子於產家而醫人因急症死於病家者又蔡倉官權巡捕而爲盜刦掠一時畏盜口稱爺爺盜以其平昔頗作威福而故擊之好事者作一絕曰穩婆生子收生處醫士醫人死病家更有一椿堪笑事捕官被盜叫爺爺

歇後詩

有時少灣者延師頗不盡禮致角口而去
或用吳語賦歇後詩嘲之曰少灣主人吉
日良時束修且是爺多娘少身材好像夜
叉小鬼心地猶如短劍長鎗三杯晚酌金
生麗水兩碗晨餐周發商湯年終算帳索
咸席百家姓有索劈拍之聲一頓打
破瓜無元

輟耕錄一人娶妻已破瓜無元袁可潛作
如夢令贈之云今夜盛排筵宴準擬尋芳
一遍春去已多時問甚紅深紅淺不見不
見還你一方白絹

張趙兩相

南昌張位蘭谿趙志臯皆與張江陵相左
由翰林出爲州同後屢遷俱於辛卯拜相
太倉王元馭當國以詩戲之曰龍樓鳳閣

九重宮新築沙堤拜相公我貴我榮君莫
羨十年前是兩州同

楊南峯浴

俗傳三月三爲浴佛日

今作四月八日

六月六爲

猶狗浴日有客謁楊南峯

循吉

值三月三

日楊以浴辭客謂其傲思以報之楊乃于
六月六日往拜客亦辭以浴楊戲題其壁
曰君昔訪我我洗浴我今訪君君亦浴君

訪我時三月三我訪君時六月六

王婆醋鉢

輟耕錄松江俞俊負氣傲物伯顏柄國賦
清平樂長短句云君恩如草秋至還枯稿
落落殘星猶弄曉豪傑消磨盡了放開湖
海襟懷休教鷗鷺驚猜我是江南倦客等
閒容易安排爲人所訴幾罹禍患張士誠
據有平江日俊以貽通松江僞尹鄭煥署

宰華亭酷刑腴剝邑民恨入骨髓袁海叟
作詩曰四海清寧未有期諸公衮衮正當
時忽然一日天兵至打破王婆醋鉢兒人
皆不知醋鉢之義以問叟叟曰昔有不軌
伏誅暴屍於竿王婆買醋經過其下適索
朽屍墮醋鉢爲其所碎王婆年老無知誤
謂死者所致顧謂之曰汝只是未曾吃惡
官司來聞者皆絕倒

諸理齋詩

鳳林夏五名景待延師周四維訓子以不
合欲再延妻曰何爲又增人口夫不從又
延羅成吾時諸理齋亦館於夏戲曰夏五
本是五增口便成吾四維尚未去如何又
請羅又夏五甚短妻極長每同立僅齊妻
乳理齋作歇後詩譏曰夏五官人罔談彼
夏五娘子靡恃已有時堂前德建名剛剛

揮着果珍李

盤門詩伯

萬曆初盤門外兄弟二人張蘭谿張蘭洲
爭以惡詩倡和高自矜許或作詩嘲之曰
盤門城外兩詩伯蘭溪蘭洲同一脉胸中
全無半卷書紙上空污數行墨泥花溪頭
杜少陵潯陽江口李太白二公陰靈猶未
散終日在天尋霹靂有朝頭上唾聲能誤

猶言响一聲也打殺兩個真娘賊

輓卦

元淮南潘子素純嘗作輓卦譏世之仕宦以突梯滑稽而得顯爵者雖資一時之譖浪不爲無補於名教卦辭曰輓亨可小事亦可大事彖曰輓亨天地輓而四時行日月輓而晝夜明上下輓而萬事成輓之時義大矣哉象曰地上有木輓君子以容身

固位初六輓出門无咎象日出門硬輓又
何咎也六二傳于鐵槔象曰傳于鐵槔天
下可行也六三君子終日輓輓厲无咎象
曰終日輓輓雖危无咎也九四模稜苦象
曰模稜之吉以隨時也六五神輓象曰六
五神輓老于事也上六或錫之高爵天下
揶揄之象曰以輓受爵亦不足敬也輓耕
錄謂此篇在宋末卽有或非蒲所作

吝卦

元平江蔡宗魯傳作吝卦以譏守財虜曰
吝亨利居間不利有所爲象曰吝鄙嗇也
利居間无所求也不利有所爲恐致禍也
初六居富吝于周急悔亡无攸利象曰吝
于周急莫惜其貧也悔亡无攸利已終有
望也六二聽婦言至吝不養其親不恤其
弟貞凶象曰聽婦言耽于私也不養其親

忘大恩也不恤其弟失大義也雖養弗時
亦致災也故貞凶九三極吝吝其財不吝
其身于行非宜象曰吝其財斯致富也不
吝其身乃輕生也六四太吝君子吉小人
凶象曰吝于君子雖有言无尤也吝于小
人雖不有言終有悔也六五不吝于色務
所欲終以死亡凶朋來吝于酒食弗克歡
元咎象曰不吝于色惑于恬也務所欲樂

其順從也終以死亡凶可知也朋來從其
類也吝于酒食誠大謬也雖弗克歡可无
咎也上九居其家不吝于內吝于教子弗
叶吉象曰居其家妄自尊也不吝于內畏
寡妻也吝于教子終无所成也

騙卦

元扶風馬文壁現見人多華而不實因作
騙卦曰謫貞亨初吉終凶利見小人不利

于君子象曰貞正也亨通也通于正言諱
或庶幾也終凶諱不由初也利見小人猶
同類也不利于君子入于邪也象曰麗尸
掉舌諱君子以求名于祿初九諱于同朋
无咎象曰同朋于諱又誰咎也九二畧施
于民吉象曰九二之吉以新衆聽也六三
來其諱酒食用享象曰來其諱民取則也
享其酒食以崇功也九四飾言如簧以娛

彼心乃獲南金象曰娛人獲金不足道也
九五君子終日高誦王用徵安車以迎終
歲弗寧後有凶象曰以誦受徵不羞也終
歲弗寧祇足煩勞也後有凶不副實也上
六誦不已四方欲殺之象曰誦衆怒
殺之何過也誦卦切中時病真得風刺之

正

壽卦

堅瓠集

卷一

三

乙

挑燈集異嘉靖間維楊富室下菊亭隱而
壽者也其祝辭連楹布壁周卜村撰壽卦
以壽之卦曰壽元亨元永貞君子吉小人
否彖曰壽順動以豫靜而有恒故壽壽元
亨天下通也元永貞无咎德相承也君子
吉慶无窮也小人否不克終也天地壽故
四時行而萬物亨聖人壽則王道成而天
下平壽之時義大矣哉象曰引年壽君子

以積躬累仁協于上下以承天休初一壽
于躬酒食貞吉无咎无譽象曰酒食无譽
樂以正也次二壽于室小有慶其樂衍衍
吉悔亡象曰其樂衍衍吉室家慶也次三
壽于庭以其玄纁吉朋至斯孚小人勿用
象曰玄纁之吉交以德也小人勿用其儀
貳也次四壽于宗不于其門于其野有攸
往无不利象曰于野之壽道大光也利有

攸往民所宗也次五壽于王國錫汝保極
受茲介福八荒攸同元吉象曰壽于王國
以尊同也錫汝保極乃化中也介福元吉
其寵隆也次上壽奕世无疆自天佑之吉
无不利象曰奕世无疆何永壽也吉无不
利自天祐之也

蟹卦

予性嗜蟹擬隸蟹事以補傳肱蟹譜之遺

因作蟹卦曰蟹亨利涉大川不利有攸往
至于八月有凶彖曰蟹解也順以兌剝而
烹故解也利涉大川終无尤也至于八月
有凶其道窮也象曰蟹澤上于地君子以
飲食宴樂初六用懋河需于沙出自穴盈
缶象曰需于沙宜平地也盈缶乃大得也
九二蟹用牡大壯朋至斯孚一握爲笑勿
恤永吉象曰朋至斯孚道大光也六三外

剛內柔包荒不遐遺剝之无咎象曰剝之
无咎應乎天也九四儲物致用君子有蟹
不速之客三人來食之終吉象曰君子有
蟹志喜也食之終吉不素飽也六五曰幾
望利西南不利東北象曰幾望有損乘天
時也不利東北察地脉也上六觀我朵頤
齊咨涕洟君子吉小人否象曰觀我朵頤
亦不足貴也君子吉尚賓也小人否尚口

乃窮也

內黃侯

內黃侯蟹也詩人玉屑載曾文清謝路憲
送蟹詩從來歎賞內黃侯風味尊前第一
流只合蹣跚付湯鼎不須辛苦上糟丘清
異錄蟹曰含黃伯

圓膏尖螯

山家清供蟹生于江者黃而腥生于湖者

紺而馨生于漢者蒼而清又曰圓臍膏光
臍螯秋風高圓者豪請舉手不必刀羹以
蒿尤可饗因舉山谷詩曰一腹金相玉質
兩螯明月秋江所謂詩中之騷也

蟹詩

墨莊漫錄毗陵士人常某爲蟹詩云水清
詎免雙螯黑秋老難逃一背紅蓋譏朱鮑
父子惜其全詩不載又有常將冷眼觀螃

蟹看你橫行得幾時之句

芙蓉詞

宋高竹屋名觀國字賓王有菩薩蠻詠蘇
堤芙蓉云紅雲半壓秋波急艷妝泣露嬌
啼色佳夢入仙城風流石曼卿宮袍呼醉
醒休揆西風景明月粉香殘六橋烟水寒
世談爲高季廸詞不知季廸乃是行香子
其詞云如此紅粧不見春光向菊前邁後

絕芳雁來時節寒沁羅裳正一番風一番
雨一番霜蘭舟不採寂寞橫塘強相依暮
柳成行湘江路遠吳苑池荒柰月朦朦人
杳杳水茫茫論其優劣後來居上

水上打一棒

七修類藁正統間處州葉宗劉謀逆杭黜
民兵有生員之父亦在黜中生員往訴於
府府公不爲之理拂衣而出自言水上打

一棒猶言無用也。府公聞而不察，疑其置
語。喚回詢之生員，告其故。遂曰：汝能賦此
當免其役。因賦詩曰：丈七琅玕杖，碧流一
聲驚。破楚天，秋千條素練開還合。萬顆明
珠散，復收鷗鷺盡。飛紅蓼，岸鴛鴦齊起白。
蘋洲想應此處無魚釣，起網收綸別下鉤。
守大賞遂除其役。

賦詩得釋

弘治間餘杭貢士符楫未第時舟行過土
豪之灘亂其菱芡被留聞爲秀才請作詩
楫口占云儂是餘杭符秀才家間有事出
鄉來撐船稚子雖無識總是豪灘忒佔開
笑而釋之又汝水有放生池官禁採捕有
士子垂釣於中爲邏者所獲送之有司問
知士人試以詩釣者口占曰投却長竿捲
却絲手携簑笠賦新詩如今刺史清過水

不是漁人下釣時禮而釋之

落霞

王勃滕王閣序落霞與孤鶩齊飛秋水共
長天一色古今奇文因學記聞以爲本庾
信馬射賦落花與芝蓋齊飛揚柳共春旗
一色語丹鉛錄又引文選褚淵碑風儀與
秋月齊明音微與春雲等潤隋長壽寺在
利碑浮雲共嶺松張蓋明月與巖桂分叢

勃語本此何啻青出于藍螢雪叢說代醉
編臂以落霞爲飛蛾蒼野鴨也鴨欲食飛
蛾而相逐故曰齊飛若雲霞又何云飛郎
仁寶以飛蛾爲悞前解可笑其云落霞乃
鳥也曾於內臣處見之形如鶯差大遍體
緋羽飛則文采可觀未知孰是

華清宮詩

崔魯華清宮詩四首精練奇麗遠出李義

山往牧之上而敢見於唐奇及品彙漁隱
叢語長安古志各載其一楊升庵備錄於
丹鉛錄中門橫金鎖閨無人落日秋聲渭
水濱紅葉下山寒寂寂濕雲如夢雨如塵
一銀河漾漾月輝輝樓礙星邊織女磯橫
玉吐雲天如水浦空霜霰不曾飛二障掩
金雞蓄禍機翠華西拂蜀雲飛珠簾一閉
朝元閣不見人歸見燕歸三草遶回磴絕

鳴鑾雲樹深深碧殿寒明月自來還自去
更無人倚玉闌干

角妓垂螺

丹鉛錄張子野詞垂螺定額走上紅裙初
趁拍晏小山詞雙螺未學同心綰已占歌
名月白風清長倚昭華笛裏聲又紅窓碧
玉新名舊猶綰雙螺一寸秋波千斛明珠
覺未多垂螺雙螺蓋當時角妓未破瓜時

額飾

詩家喻愁

詩人有以山水喻愁者杜少陵云憂端如
山來瀕洞不可掇趙嘏云夕陽樓上山重
疊未抵春愁一倍多李頎云請量東海水
看取淺深愁李後主云問君都有幾多愁
恰似一江春水向東流秦少游云落紅萬
點愁如海賀方回云試問閒愁知幾許一

川烟草滿城風絮梅子黃時候蓋以三者
比愁之多尤爲新奇興中有比意味更長

石獨山單

八閩志莆田鳳凰山有廣化寺宋翁黠讀
書寺中夜醉擊鐘一人出呵之黠亦轉詰
其人應曰能屬對吾語汝乃云拆破磊文
三石獨點曰分開出字兩山單其人領之
曰正郎言訖不見後點官至正郎石獨山

單皆園中花名也

詩以溺婦

東谷賡言松溪戴珊督學南畿偶艤卅蘇
之盤門見少艾溺死水濱命縣官掩之命
諸生賦挽詩蔡佃方弱冠賦詩曰芙蓉零
落倩誰收飄泊孤城野水頭素手尙籠羅
袖薄清波難掩玉容羞蕪烟綠暗香魂杳
花雨紅添血淚流莫向盤閨歌此曲月明

風細不禁愁戴大稱賞對教官惜之曰此生詩有音響而無氣骨吾恐冬華之木不實早慧之子不壽明年佃果死

題松

東谷贅言處士某隱居山中庭有松一株三百年物也縣尹立公署命工伐之處士研白書絕句其上曰大夫去作棟樑材無復清陰覆綠苔今夜月明風露冷誤他雲

外鶴歸來縣尹讀詩悵然遂止其伐

朱文公詞

滿江紅詞膠擾勞生待足後何時是足據
見定隨家豐儉便堪龜縮得意濃時休進
步須知世事多翻覆漫教人白了少年頭
徒碌碌誰不愛黃金屋誰不羨千鐘祿奈
五行不是這般題目枉費心神空計較兒
孫自有兒孫福不須採藥訪神仙惟寡欲

傳爲朱文公作翁謬舉以問公曰乃一僧
作僧亦號晦庵云文公有水調歌頭富貴
有餘樂負賤不堪憂那知天路幽險倚伏
互相酬請看東門黃犬更聽華亭清唳千
古恨難收何似鳴夸子散髮弄扁舟鳴夷
子成霸業有餘謀收身午乘卿相歸把釣
魚鉤春盡五湖烟浪秋天一夜雲月此外
儘悠悠永棄人間事吾道付滄洲